

ओं नमः परमात्मने, श्री महागणपतये नमः,  
श्री गुरुभ्यो नमः, हरिः ओं

स्वस्थि वाचनं

**Note: Please refer to the book, TS Kandam 4 for notes and conventions used in this Compilation.**

**TS 4.6.4.1**

आशुः शिशानो वृषभो न युद्धमो घनाघनः क्षोभण-श्चर्षणीनां ।  
संक्रन्दनोऽनिमिष एक वीरः शतञ् सेना अजयथ् साकमिन्द्रः ॥  
संक्रन्दनेना निमिषेण जिष्णुना युत्कारेण दुश्च्यवनेन धृष्णुना ।  
तदिन्द्रेण जयत तथ् सहर्ध्वं युधो नर इषुहस्तेन वृष्णा ॥  
स इषुहस्तैः स निषंगिभिर्वशी सञ्स्रष्टा स युध इन्द्रो गणेन ।  
सञ्सृष्टजिथ् सोमपा बाहुशर्ध्वूध्वधन्वा प्रतिहिताभिरस्ता ॥  
बृहस्पते परि दीया- [ ] 16

**TS 4.6.4.2**

रथेन रक्षोहा ऽमित्राञ् अप बाधमानः ।  
प्रभञ्जन्थ् सेनाः प्रमृणो युधा जयन्नस्माक-मेद्ध्यविता रथानां ॥  
गोत्रभिदं गोविदं वज्रबाहुं जयन्तमज्म प्रमृणन्त-मोजसा ।  
इमञ् सजाता अनुवीर-यर्ध्वमिन्द्रञ् सखायोऽनु सञ् रभर्ध्वं ॥  
बलविज्ञायः-स्थविरः प्रवीरः सहस्वान् वाजी सहमान उग्रः ।  
अभिवीरो अभिसत्वा सहोजा जैत्रमिन्द्र रथमातिष्ठ गोवित् ॥  
अभि गोत्राणि सहसा गाहमानोऽदायो- [ ] 17

**TS 4.6.4.3**

वी॒रः श॒तम॒न्युरिन्द्रः॑ । दु॒श्च॒य॒वनः॑ पृ॒त॒ना॒षाड॑ यु॒द्ध्यो॑-स्माक॒ꣳ से॒ना  
 अ॒व॒तु॑ प्र यु॒थ्सु॑ ॥ इन्द्र॑ आ॒सां-ने॒ता बृ॒ह॒स्प॒ति॑ र्दक्षि॒णा य॒ज्ञः पु॒र  
 ए॒तु सोमः॑ । दे॒व॒से॒ना॒ना-म॒भिभ॒ञ्ज॒ती॒नां ज॒य॒न्ती॒नां म॒रु॒तो य॒न्त्व॒ग्रे॑ ॥  
 इन्द्र॑स्य वृ॒ष्णो व॒रु॒णस्य॑ रा॒ज्ञ आ॒दि॒त्या॒नां म॒रु॒ताꣳ श॒र्द्ध उ॒ग्रं ।  
 म॒हा॒म॒न॒सां भु॒व॒न॒च्य॒वा॒नां घो॒षो दे॒वा॒नां ज॒य॒ता मु॒द॒स्थात् ॥  
 अ॒स्माक॑-मिन्द्रः॑ स॒मृ॒तेषु॑ ध्व॒जेष्व॒स्माकं॑ या॒ इष॒व॒स्ता ज॒य॒न्तु । 18

**TS 4.6.4.4**

अ॒स्माकं॑ वी॒रा उ॒त्त॒रे भ॒व॒न्त्व॒स्मानु॑ दे॒वा अ॒व॒ता ह॒वेषु॑ ॥  
 उ॒द्ध॒र्ष॒य म॒घ॒व॒न्ना-यु॒धा॒न्-न्यु॒थ्स॒त्व॒नां मा॒म॒का॒नां म॒हाꣳसि॑ ।  
 उ॒द्ध॒त्र॒ह॒न् वा॒जि॒नां वा॒जि॒ना॒न्युद्-र॒था॒नां ज॒य॒ता॒मे॒तु घो॒षः ॥  
 उ॒प प्रे॒त ज॒य॒ता न॒रःस्ति॒रा वः स॒न्तु बा॒ह॒वः ।  
 इन्द्रो॑ वः श॒र्म य॒च्छ त्व॒ना-धृ॒ष्या॑ य॒था॒स॒थ ॥  
 अ॒व॒सृ॒ष्टा प॒रा प॒त श॒र॒व्ये ब्र॒ह्म सꣳशि॒ता ।

गच्छामित्रान् प्र- [ ] 19

**TS 4.6.4.5**

वि॒श॒ मै॒षां क॒ञ्च॒नोच्छि॑षः ॥ म॒र्मा॒णि ते॒ वर्म॑भिश्छादयामि

सोम॑स्त्वा॒ राजा॑ ऽमृ॒तेना॒भि-व॑स्तां । उ॒रोर्व॑रीयो वरि॑वस्ते अस्तु  
जय॑न्तं त्वा॒मनु॑ मदन्तु दे॒वाः ॥ यत्र॑ बा॒णाः संप॑तन्ति कु॒मारा॑ विशि॒  
खा॑ इव । इन्द्रो॑ नस्तत्र॑ वृ॒त्रहा॑ विश्वाहा॒ शर्म॑ यच्छतु ॥ 20 (A4)

**TS 4.6.6.1**

जी॒मू॒तस्ये॑व भवति प्र॒तीकं॑ य॒द्वर्मी॑ याति स॒मदा॑मुप॒स्थे ।  
अना॑विद्धया त॒नुवा॑ जय॒ त्वञ् स॒ त्वा॒ वर्म॑णो महि॒मा पि॑पर्तु ॥  
धन्व॑ना गा धन्व॑नाऽऽजिं॑ जयेम धन्व॑ना ती॒व्राः स॒मदो॑ जयेम ।  
धनुः॑ शत्रो॒रप॑कामं कृ॒णोति॑ धन्व॑ना सर्वाः प्र॒दिशो॑ जयेम ॥  
वक्ष्य॑न्तीवेदा गनी॑गन्ति कर्णं॑ प्रि॒यञ् सखा॑यं परिष॒स्वजा॑ना ।  
योषे॑व शि॒ङ्गे वित॑ताऽधि धन्व॑न् - [ ] 27

**TS 4.6.6.2**

ज्या॑ इ॒यञ् स॒मने॑ पारयन्ती ॥ ते आ॒चर॑न्ती स॒मने॑व योषा॑ मा॒तेव॑ पु  
त्रं बि॑भृतामुप॒स्थे । अप॑ शत्रून् वि॒द्ध्यता॑ञ् सँवि॒दाने॑ आर्त्नी॑ इ॒मे  
विष्फु॑रन्ती अ॒मित्रान्॑ ॥ ब॒ह्वीनां॑ पि॒ता ब॒हुर॑स्य पु॒त्रश्चि॒श्वा कृ॑णोति  
स॒मना॑ऽव॒गत्य॑ । इ॒षुधिः॑ सङ्काः॒ पृत॑नाश्च सर्वाः पृ॒ष्ठे नि॑नद्धो जयति  
प्र॒सूतः॑ ॥ रथे॑ तिष्ठन् नयति वा॒जिनः॑ पु॒रो यत्र॑यत्र का॒मय॑ते सुषार

थिः । अभी॑शूनां॑ महि॑मानं॑ – [ ] 28

**TS 4.6.6.3**

पना॑यत॑ मनः॑ प॒श्चादनु॑ यच्छन्ति॑ रश्मयः॑ ॥

ती॒त्रान् घो॑षान् कृ॒ण्वते॑ वृ॒षपा॑णयोऽश्वा॑ रथे॑भिः स॒ह वा॒जय॑न्तः ।

अ॒वक्रा॑मन्तः॑ प्र॒पदै॑रमि॒त्रान् क्षि॑णन्ति॒ शत्रू॑रन॒पव्य॑यन्तः ॥

रथ॑वाहनं॑ ह॒विर॑स्य॒ नाम॑ यत्राऽऽ\*यु॑धं नि॒हित॑मस्य॒ वर्म॑ ।

तत्रा॑ रथ॒मुप॑ श॒ग्मं स॑दे॒म वि॒श्वाहा॑ व॒यं सु॑मन॒स्यमा॑नाः ॥

स्वा॒दुषं॑ स॒दः पि॒तरो॑ व॒योधाः॑ कृ॒च्छ्रे॒श्रितः॑ श॒क्तीव॑न्तो ग॒भीराः॑ ।

चि॒त्रसे॑ना॒ इषु॑ब॒ला अ॑मृ॒द्धाः स॒तोवी॑रा उ॒रवो॑ व्रा॒तसा॑हाः ॥

ब्रा॒ह्मणा॑सः – [ ] 29

**TS 4.6.6.4**

पि॒तरः॑ सो॒म्यासः॑ शि॒वे नो॑ द्या॒वापृ॑थि॒वी अ॒नेह॑सा ॥

पू॒षा नः॑ पा॒तु दु॒रिता॑दृ॒तावृ॑थो र॒क्षा मा॑कि॒र्नो अ॒घशं॑स ई॒शत ॥

सु॒पर्णं॑ व॒स्ते मृ॒गो अ॑स्या॒ दन्तो॑ गो॒भिः स॒न्नद्धा॑ प॒तति॑ प्र॒सूता॑ ।

यत्रा॑ नरः॒ सं च॒ वि च॒ द्रव॑न्ति॒ तत्रा॑स्मभ्य॒मिष॑वः॒ शर्म॑ यं॒सन्न ॥

ऋ॒जीते॑ परि॒ वृड्धि॑ध॒ नोऽश्मा॑ भवतु॒ नस्त॑नूः ।

सो॒मो अ॒धि ब्र॑वीतु॒ नोऽदि॑तिः – [ ] 30

**TS 4.6.6.5**

शर्म॑ यच्छ॑तु ॥ आ॑ ज॒ङ्घ॑न्ति॒ सान्वे॑षां॒ ज॒घना॑ꣳ उप॑ जिघ्नते ।  
 अश्वा॑जनि॒ प्रचे॑तसोऽश्वा॑न्थ् सम॑त्सु चोदय ॥  
 अहि॑रिव भो॒गैः पर्ये॑ति बा॒हुं ज्याया॑ हे॒तिं परि॑बाध॒मानः॑ ।  
 ह॒स्त॒घ्नो॑ वि॒श्वा व॒युना॑नि वि॒द्वान् पु॒मान् पु॒माꣳसं॑ परि॑ पातु वि॒श्वतः॑  
 ॥ वन॑स्पते वी॒ङ्वङ्गो॑ हि भू॒या अ॒स्मत् सखा॑ प्र॒तरणः॑ सु॒वीरः॑ ।  
 गोभिः॑ सन्न॒द्धो असि॑ वी॒डय॑स्वाऽऽस्था॒ता ते जय॑तु॒ जेत्वानि॑ ॥  
 दिवः॑ पृथि॒व्याः पर्यो॑- [ ] 31

**TS 4.6.6.6**

-ज॒ उद्-भृ॑तं व॒नस्प॑तिभ्यः पर्या॑भृतꣳ सहः ।  
 अ॒पामो॑ज्मानं॒ परि॑ गोभि॒रावृ॑तमिन्द्र॒स्य वज्रꣳ ह॒विषा॑ रथं य॑ज ॥  
 इन्द्र॑स्य वज्रो मरु॒ताम॑नीकं मि॒त्रस्य॑ गर्भो वरु॒णस्य॑ नाभिः ।  
 सेमां॑ नो ह॒व्यदा॑तिं जुषा॒णो देव॑ रथ॒ प्रति॑ ह॒व्या गृ॑भाय ॥  
 उप॑ श्वा॒सय॑ पृथि॒वीमु॑त द्यां पु॒रुत्रा॑ ते मनु॒तां वि॑ष्ठितं जगत् ।  
 स दु॑न्दुभे स॒जूरि॑न्द्रेण दे॒वैर्दू॒रा- [ ] 32

**TS 4.6.6.7**

द्वी॑यो अप॒सेध॑ शत्रून् ॥

आ क्रन्दय बलमोजो न आ धा निष्टनिहि दुरिता बाधमानः ।  
 अप प्रोथ दुन्दुभे दुच्छुनाऽ इत इन्द्रस्य मुष्टिरसि वीडयस्व ॥  
 आऽमूरज प्रत्यावर्तयेमाः केतुमद् दुन्दुभिर्वावदीति ।  
 समश्चपर्णाश्चरन्ति नो नरोऽस्माकमिन्द्र रथिनो जयन्तु ॥ 33 (A6)

**TS 4.7.14.1**

ममाग्ने वर्चो विहवेष्वस्तु वयं त्वेन्धाना स्तनुवं पुषेम ।  
 मह्यं नमन्तां प्रदिशश्चतस्रस्त्वया-ऽद्ध्यक्षेण पृतना जयेम ॥  
 मम देवा विहवे सन्तु सर्व इन्द्रावन्तो मरुतो विष्णुरग्निः ।  
 ममान्तरिक्षं मुरु गोपमस्तु मह्यं वातः पवतां कामे अस्मिन् ॥  
 मयि देवा द्रविणं मायजन्तां मय्या शीरस्तु मयि देवहूतिः ।  
 दैव्या होतारा वनिषन्त - [ ] 29

**TS 4.7.14.2**

पूर्वे ऽरिष्ठाः स्याम तनुवा सुवीराः ॥  
 मह्यं यजन्तु मम यानि हव्याऽऽकूतिः सत्या मनसो मे अस्तु ।  
 एनो मानिगां कतमच्चनाहं विश्वे देवासो अधिवोच ता मे ॥  
 देवीः षडुर्वीरुरुणः कृणोत विश्वे देवा स इह वीरयद्ध्वं ।

॥  
माहा॑स्महि॒ प्र॒जया॒ मा त॒नूभि॒र्मा र॑धाम द्वि॒षते॒ सोम॑ राजन् ॥

अ॒ग्नि॒र्म॒न्युं प्र॑ति॒नु॒दन् पु॒रस्ता॒- [ ] 30

**TS 4.7.14.3**

द॒द॒ब्धो गो॒पाः परि॑पाहि न॒स्त्वं ।

प्र॒त्य॒ञ्चो य॑न्तु नि॒गुतः॑ पु॒नस्ते॑ ऽमै॒षां चि॒त्तं प्र॒बुधा॑ वि॒ने॒शत् ॥

धा॒ता धा॑तृ॒णां भु॑वनस्य॒ यस्पति॑ दे॒वꣳ स॑वि॒तार॑मभि मा॒ति॒षाहं॑ ॥

इ॒मं य॑ज्ञ म॒श्विनो॒भा बृ॑ह॒स्पति॑ दे॒वाः पा॑न्तु य॒ज॒मान॑न् न्य॒र्थात् ॥

उ॒रु॒व्य॒चा नो॑ म॒हिषः॑ शर्म॒ यꣳ स॒द॒स्मिन् ह॑वे॒ पुरु॑हू॒तः पुरु॑क्षु ।

स नः॑ प्र॒जायै॑ हर्यश्च मृ॒डये॑न्द्र॒ मा - [ ] 31

**TS 4.7.14.4**

नो॑ री॒रिषो॑ मा॒ परा॑ दाः ॥

ये नः॑ स॒पत्ना॒ अप॑ते भव॒न्त्विन्द्रा॑-ग्नि॒भ्याम॑व॒ बाधा॑महे॒ तान् ।

व॒स॒वो रु॒द्रा आ॑दि॒त्या उ॑परि॒ स्पृशं॑ मो॒ग्रं चे॑त्तारमधि॒ राज॑म॒क्रन् ॥

अ॒र्वाञ्च॑ मि॒न्द्रम॑मु॒तो ह॑वामहे॒ यो गो॑जिद्-ध॒न-जि॑दश्च-जि॒घः ।

इ॒मन्नो॑ य॒ज्ञं वि॑ह॒वे जु॑ष॒स्वा॒स्य कु॑र्मो॒ हरि॑वो मे॒दि॒नं त्वा ॥ 32

(A14)



**TS 4.7.15.1**

अग्ने॑र्मन्वे॑ प्रथ॑मस्य॒ प्रचे॑तसो॒ यं पाञ्च॑जन्यं॒ बहवः॑ समिन्धते॑ ।  
विश्व॑स्यां॒ विशि॑ प्रवि॒विशि॒वाञ् समी॑महे॒ स नो॑ मुञ्चत्वञ्॑ हसः ॥  
यस्ये॒दं प्रा॒णन्निमि॒षद् यदे॑जति॒ यस्य॑ जा॒तं जन॑मानं च॒ केवलं॑ ।  
स्तौम्य॑ग्निं॒ नाथि॑तो॒ जोह॑वीमि॒ स नो॑ मुञ्चत्वञ्॑ हसः ॥  
इन्द्र॑स्य॒ मन्ये॑ प्रथ॑मस्य॒ प्रचे॑तसो॒ वृत्र॑घ्नः॒ स्तोमा॑ उप॒ मामु॑पागुः ।  
यो दा॒शुषः॑ सु॒कृतो॑ हव॒मुप॑ गन्ता - [ ] 33

**TS 4.7.15.2**

स नो॑ मुञ्चत्वञ्॑ हसः ॥  
यः सं॒ग्रामं॑ नयति॒ सँ व॒शी यु॒धे यः पु॒ष्टानि॑ सञ्सृ॒जति॑ त्रयाणि॒ ।  
स्तौमी॑न्द्रं॒ नाथि॑तो॒ जोह॑वीमि॒ स नो॑ मुञ्चत्वञ्॑ हसः ॥  
मन्वे॑ वां॒ मित्रा॑ वरुणा॒ तस्य॑ वित्तञ्॑ सत्यौ॒जसा॑ दृ॒हणा॒ यं नु॑देथे॑ ।  
या रा॒जानञ्॑ सरथं॒ याथ॑ उ॒ग्रा ता॑ नो॒ मुञ्चत॑मागसः ॥  
यो वाञ्॑ रथ॒ ऋजु॑रश्मिः॒ सत्य॑धर्मा॒ मिथु॑ श्रन्त-मुप॒याति॑ दूषयन्  
। स्तौमि॑ - [ ] 34

**TS 4.7.15.3**

मि॒त्रावरु॑णा॒ नाथि॑तो॒ जोह॑वीमि॒ तौ नो॑ मुञ्चत॒माग॑सः ॥

वा॒योः स॒वि॒तु॒ वि॒द॒था॒नि॒ म॒न्म॒हे॒ या॒वा॒त्म॒न्वद्-बि॒भृ॒तो॒ यौ च॒ रक्ष॑तः।

यौ वि॒श्व॑स्य॒ परि॒भू॒ ब॒भू॒वतु॒स्तौ॒ नो॒ मुञ्च॑त॒माग॑सः ॥

उप॒ श्रेष्ठा॑न॒ आ॒शि॒षो॒ दे॒वयो॒र्ध॒र्मे॑ अ॒स्थि॑रन् ।

स्तौ॑मि॒ वा॒यु॒ स॒वि॒तारं॑ नाथि॒तो॒ जो॒ह॒वी॒मि॒ तौ नो॑ मुञ्च॑त॒माग॑सः॥

रथी॑त॒मौ रथी॑ना॒मह् ऊ॒तये॑ शु॒भं ग॑मि॒ष्ठौ सु॒यमे॑भि॒रश्वैः॑ ।

ययो॑ - [ ] 35

**TS 4.7.15.4**

-वां॑ दे॒वौ दे॒वेष्व॑-नि॒शित॑-मो॒ज॒स्तौ नो॑ मुञ्च॑त॒माग॑सः ॥

यद॑या॒तं वँ॒ह॒तु॒ सूर्या॑या-स्त्रि॒च॒क्रेण॑ स॒ सद॑मि॒च्छ॒मानौ॑ ।

स्तौ॑मि॒ दे॒वा व॒श्वि॒नौ नाथि॑तो॒ जो॒ह॒वी॒मि॒ तौ नो॑ मुञ्च॑त॒माग॑सः ॥

म॒रु॒तां म॒न्वे अ॒धि॒नो ब्रु॑वन्तु॒ प्रेमां॑ वा॒चं वि॒श्वा म॑वन्तु॒ विश्वे॑ ।

आ॒शून् हु॑वे सु॒यमा॑नू॒तये॑ ते नो॑ मुञ्च॑न्त्वे॒नसः॑ ॥

ति॒ग्म॒मा॒यु॒धं वी॒डि॒त॒ सह॑स्वद् दि॒व्यं श॒र्द्धः - [ ] 36

**TS 4.7.15.5**

पृ॒त॒ना॒सु जि॒ष्णु॑ । स्तौ॑मि॒ दे॒वान् म॒रु॒तो नाथि॑तो॒ जो॒ह॒वी॒मि॒ ते नो॑

मुञ्च॑न्त्वे॒नसः॑ ॥ दे॒वानां॑ म॒न्वे अ॒धि नो॑ ब्रु॑वन्तु॒ प्रेमां॑ वा॒चं

वि॒श्वा म॑वन्तु॒ विश्वे॑ । आ॒शून् हु॑वे सु॒यमा॑नू॒तये॑ ते नो॑ मुञ्च॑

न्त्वे॑न॒सः॑॥ य॒दि॒दं॑ मा॒ऽभि॒शो॒चति॑ पौ॒रु॒षे॒येण॑ दै॒व्ये॑न ।

स्तौ॑मि॒ विश्वा॑न् दे॒वान् ना॒थि॒तो जो॑ह॒वीमि॒ ते नो॑ मु॒ञ्च॒न्त्वे॑न॒सः ॥

अ॒नु॒नो॑ऽद्या॒नु॒मति॑ र॒न्वि - [ ] 37

**TS 4.7.15.6**

द॒नु॒मते॑ त्वं वै॒श्वा॒नरो॑ न ऊ॒त्या पृ॒ष्टो दि॒वि ॥

ये अ॒प्र॒थे॒ता-म॑मि॒तेभि॒ रोजो॑भि॒ र्ये प्र॑ति॒ष्ठे अ॒भ॒वतां॑ व॒सू॒नां ।

स्तौ॑मि॒ द्या॒वा पृ॒थि॒वी ना॒थि॒तो जो॑ह॒वीमि॒ ते नो॑ मु॒ञ्च॒तम॑ ह॒सः ॥

उ॒र्वी रो॑द॒सी व॑रि॒वः कृ॑णो॒तं क्षे॑त्र॒स्य प॒त्नी अ॒धि नो॑ ब्रू॒यातं ।

स्तौ॑मि॒ द्या॒वा पृ॒थि॒वी ना॒थि॒तो जो॑ह॒वीमि॒ ते नो॑ मु॒ञ्च॒तम॑ ह॒सः ॥

यत् ते॑ व॒यं पु॑रु॒षत्रा॑ य॒वि॒ष्ठा वि॒द्वाँ॒सश्च॑कृ॒मा क॒च्च ना - [ ] 38

**TS 4.7.15.7**

ऽऽ\*गः ।

कृ॒धी स्व॑स्माँ॒ अदि॑ते॒रना॑गा॒ व्ये॒नाँ॒सि शि॑श्र॒थो वि॒ष्वग॑ग्ने ॥

यथा॑ ह॒ तद् व॑स॒वो गौ॒र्यं चि॒त् प॒दि॒षि॒ता म॑मु॒ञ्च॒ता य॑ज॒त्राः ।

ए॒वा त्व॑म॒स्मत् प्र॑मु॒ञ्चा॒ व्यँ॒हः प्रा॑ता॒र्यग्ने॑ प्र॒तरा॑न्न॒ आयुः॑ ॥ 39

(A15)